

(শশাদি মাড়াইবার সময় গো-সকলকে আবদ্ধ রাখার জন্ত মাঝখানে যে খুঁটিটি পোতা হয়, তাহাকেই মেধী বলে । সেইটি অবলম্বনে গো-সকল যেমন চারিদিকেই ঘুরিতে থাকে) জ্যোতিঃশব্দে এই ধ্রুবলোক অবলম্বনে পৃথিবীর চতুর্দিকে ঘুরিতেছে ; এইজন্যই ধ্রুব মহাশয়ের অঙ্গুষ্ঠের ভারে পৃথিবী অর্দ্ধ-বিনতা হইয়াছিল ॥ ১৫৬ ॥ ১১৮ ॥ শ্রীমৈত্রেয় ঋষি বিছুরকে বলিয়াছেন ।

অনন্তর ভগবদ্ভিন্ন বস্তুতে অভিনিবেশ হইলে যে ভগবানে নিষ্ঠার চ্যুতি হইয়া থাকে, তাহাই দেখাইতেছেন । যেমন রাজর্ষি ভরত যখন পূর্ববর্ণিত প্রকার অসম্ভব মানস-অভিনিবেশে যুগশাবকরূপে প্রতিভাসমান, নিজ আরন্ধ কর্মফলে সেই যোগীতাপস যোগারম্ভ হইতে বিশেষভাবে ভ্রষ্ট হইলেন এবং শ্রীভগবানের আরাধনা হইতেও বিচ্যুত হইয়া পড়িলেন ; এখন দিবারজনী সেই যুগশাবকটিকেই চিন্তা করিতে লাগিলেন । এখানে চিন্তার বিষয় এই যে, ভগবদ্ভক্তির সামান্য আরন্ধ কর্ম অন্তরায় হইতে পারে না ; যেহেতু আরন্ধ কর্ম অতি দুর্বল, শ্রীভগবদ্ভক্তি স্বরূপশক্তির বৃত্তিরূপা বলিয়া সবল । মায়াশক্তির কার্য্য প্রারন্ধ কর্ম কিরূপে চিৎতক্তির বৃত্তিরূপা ভগবদ্ভক্তির উপরে নিজের প্রভাব বিস্তার করিতে পারে ? অতএব এখানে বুঝিতে হইবে ইন্দ্রদ্রোণ মহারাজ যেমন শ্রীভগবদর্চন করিবার সময়ে সমাগত অগস্ত্যমুনিকে সমাদর না করার অপরাধে হস্তিজন্ম লাভ করিয়াছিলেন, এখানেও সেইরূপ কোন প্রাচীন অপরাধের ফলেই এইপ্রকার যুগদেহে অভিনিবেশ জন্ত ভরত মহারাজ ভগবদ্ভজন হইতে বিচ্যুত হইয়াছিলেন । ॥ ৫ ॥ ৯ ॥ শ্রীশুকদেব পরীক্ষিৎ মহারাজকে বলিয়াছিলেন । ১৬৭ ॥

কেচিত্তু সাধারণশ্চৈব প্রারন্ধশ্চ তাদৃশেষু ভক্তেষু প্রাবল্যং তদুৎকর্থাবর্দ্ধনার্থং স্বয়ং ভগবতৈব ক্রিয়ত ইতি মন্যন্তে । সা চ বর্ণিতা যুগদেহং প্রাপ্তশ্চ তশ্চ, যথৈব শ্রীনারদশ্চ পূর্বজন্মনি জাতরতেরপি কষায়রক্ষণমাহ—হস্তাশ্মিন্ জন্মনি ভবান মা মাম্ দ্রষ্টুমিহাতি, অবিপক্ককষায়াণাং দুর্দশোহয়ং কুযোগিনাম্ ॥ ১৫৮ ॥ স্পটম্ ॥ ১ ॥ শ্রীভগবান্ ॥ ১৯৮ ॥

এই বিষয়ে কেহ কেহ কিন্তু “ভগবদ্ভক্তিতেও ভগবানে উৎকর্থাবুদ্ধির জন্ত স্বয়ং ভগবানই সাধারণ মায়াময় প্রারন্ধ কর্মেরই জাতরতি তাদৃশ ভগবদ্ভক্তের প্রাবল্য প্রকাশ করাইয়া দেন”—এইরূপ সিদ্ধান্ত করিয়া থাকেন । সেই উৎকর্থা ও প্রাপ্তযুগদেহ ভরত মহাশয়ের বর্ণন যথেষ্টরূপেই করা হইয়াছে । শ্রীপাদ দেবর্ষি নারদের পূর্বজন্মে অর্থাৎ যখন দাসী-পুত্ররূপে জন্মগ্রহণ করিয়াছিলেন, তখন তিনি শ্রীহরিতে স্থায়ীভাব লাভ করা সত্ত্বেও যেমন শ্রীভগবানের আবির্ভাবপ্রাপ্তির পর অদর্শনে পুনর্ব্বার